

dass man sie von dem Feld herein nicht erblicken/ viel weniger mit dem groben Geschütz beschieszen könne/ vnd ob schon etwan unglückhaftiger weiß (frechlich nicht aus Kunst/ sondern viel mehr auff gerahet wol) auf einem Pöder/ Brand/ oder auch Granaten Kuglen/ auff das Dach. M. geworffen/ so würden sie jedoch dasselbe nit durchlöchern/ sondern allein darüber hinunter in den Hoff. C. wallen/ vnd also natürlicher weiß/ durch die abhaldende Rinnen bis in das Loch. D. hinunder rollen/ auch in der Gruben. Q. gesangen ligen/ vnd daselbst ihren effectum ohne einigen Schaden vorbringen. Hieraus nun zur gnüge zu sehen/ dass diß Gebäu das Pulffer so vnd möglich/ vor Feuchtigkeit vnd Feur erheit/ auch wol beschirmt/ vnd danoch seinen wolgebrauchenden Durchluss nach begehren haben kan. Der verständige wird ohne fernere Vorschreibung/ die noch mehr hierben findende Nutzbarkeiten selber zu consideriren wissen. Wie aber noch ein anderer (diesem jetzt beschribenen/ nit gar vnehnlichen Pulffertthurn) im Werk schen allbereit ist erbauet worden/ das wird in meiner desß 1635. Jahrs in den Truck gegebenen Architectura Universali, allda an folio. 97. 98. 99. gal ausführlich beschriben/ vnd daselbst bey beeden Kupfferblatten N°. 36. 37. fürgerissen/ dahin ich dann den Liebhaber will gewisen haben/ vnd mich dar auff referire.

Ein Prospectivische Laternen.

Das Kupf.
ferblatt
N° 4.

Prospecti-
vische Later-
nen.

Bevornen/ vnd beym Discurseren desß Pulfferstampffs/ wurde einer sacerlich mit sich tragend: vnd wol leuchtenden Laternen gedacht/ die ich zwar viel mehr Kurkweil halber/ dañ nit zu diesem Wesen/ zu gebrauchen/inventirt. Demnach aber solche auch zu hie gegenwärtigem Vorhaben gar dienlich seyn würde/ also habe ich für nötig ermessen/ dieselbige in diesem Kupfferblatt N°. 4. auffzureissen/ ihr größe vnd höhe aber/ gibt der darbei verzeichnete Maßstab zu erkennen/ dann bey. A. B. C. D. ist ihr Thürlin/ oder ihr vordere Fazia, von einem Stück Stainhorn/ gar durchsichtig vnd schön bedeckt/ welches Stainhorn aber/ solche Eigenschafft hat/ dass es vom Brand nicht versehrt/ viel weniger so leichtlich (wie Glas) wegen zehler Materie/ kann verbrochen werden/ welches dann in sonderbare Obachtung zu nemmen ist. Bey. E. wird ein Schüsselin oder Kepslin/ darein ein Wachs Kerzen oder Liecht. F. zu stecken/ angedeut/ bey. G. sein Tachung/ durch die darin zu findende bedeckte Lufftlocher aber/ mag der Dampff vom Liecht/ ohne hinein wehung desß Windes oder Regens/ sein Außgang nemmen/ was gestalt nun diese Laternen zu hinterst/ vnd also Prospectivischer weiß/ verleinert werden solle/ das gibt der Abriss zu erkennen/ so zu dem Ende geschühet/ damit der Glanz oder Splendore/ von wegen der obangedeuten Prospectiven/ recht vnd wol durch die bey ihr vorne habende grosse Zersprattung/ dergestalt in die tiefse/ höhe/ vnd zu benden Seiten/ auch in die fern wol leichten möge. Inwendig aber/ wird die ganze Laternen/ mit falschen Flender-